

欽定大清會典事例

欽定大清會典事例卷五百八十四

兵部

恩錫襲次

襲次。

國初定爵有八等。曰公曰侯曰伯曰子曰男曰輕車都尉。曰騎都尉。曰雲騎尉。自公至輕車都尉。又各有三等。凡授爵自雲騎尉始。如雲騎尉加一雲騎尉。則合為騎都尉。再加為騎都尉兼一雲騎尉。再加為三等輕車都尉。遞加至一等輕車都尉。如再加一雲騎尉。則為一等輕車都尉。

兼一雲騎尉。再加則為三等男。積雲騎尉二十有六為一等公。○順治八年題准。凡得

誥敕世爵官員亡故。與其子承襲。若無子。方與親兄弟承襲。其承襲官亡故。仍與承襲官之子。若承襲官無子。始與其兄弟承襲。○又題准。漢官世襲。俱酌定鑾儀衛及外衛所漢銜品級。給予

敕書。一等子稱為鑾儀衛都指揮使。二等子稱為鑾儀衛都指揮副使。三等子稱為鑾儀衛都指揮同知。一等男兼一雲騎尉稱為外衛都指揮使。一等男稱為外衛都指揮副使。二等男稱為外

衛都指揮同知。三等男稱為外衛都指揮副同知。一等輕車都尉兼一雲騎尉稱為外衛指揮使。一等輕車都尉稱為外衛指揮副使。二等輕車都尉稱為外衛指揮同知。三等輕車都尉稱為外衛指揮副同知。騎都尉兼一雲騎尉稱為外衛指揮僉事。騎都尉稱為外衛指揮副僉事。雲騎尉稱為外千戶。○十七年

諭。各官應得世襲。不幸無子孫者。即斷其承襲。無以示鼓勵。嗣後承襲如無親生子孫者。與親祖父及伯叔兄弟姪男姪孫承襲。其輩數疏遠。及過繼族中之子。

不准承襲。永為定例。○又覆准。世職官員。俱改註鑾儀衛。○十八年覆准。俱改註外衛所。○康熙元年議准。裁去漢銜。俱照滿銜註原籍衛所。○十一年題准。官弁加至左都督。無可加之級者。記功存案。積至八次。授一雲騎尉。○四十年

諭。凡立功應承襲之人。若有殘疾。仍令承襲。但不與食俸。止給錢糧。俟其子孫應襲之年。令其承襲。若無子孫。俟其本身故後。再令他人承襲。○四十三年題准。各省在家閒散居住。及在督撫衙門效力之世職官員。該督撫將善於騎射青年人材堪用者。

具題引

見照伊品級外用食俸。其在家閒散及在督撫衙門效力世職官員。停其給俸。○雍正二年題准。漢官得世職。不必改註衛籍。止取本籍文結支派宗圖。以便稽查。○乾隆十一年題准。凡世襲官員所犯公私等罪。治以革職枷責者。察其所犯之罪。並非枉法婪贓。侵盜錢糧等罪。其所遺世爵。應准承襲。如現在乏嗣。亦無應襲族人。俟生子後。仍准承襲。若終身無嗣。將原領

敕書送銷。○十五年議定。八旗陣亡人等之子孫。從

前得有世爵。其襲次已完者。給予七品官世襲罔替。○十六年奏准。世爵七品官。定為恩騎尉。○十九年覆准。向例官弁加至左都督者。記功積至八次。授一雲騎尉。今既刪去加銜。嗣後提督有功。加十等。總兵功加十二等。副將功加十四等。參將功加十六等。遊擊功加十八等。都司功加二十等。守備功加二十二等。千總功加二十四等。俱授一雲騎尉。○二十七年覆准。綠營世職人員。襲次本無一定。與八旗定制不同。據乾隆十六年各省造報兵部世職冊內。一等海

澄公黃梧承襲十二次。一等候張勇承襲十次。子男等爵。或九次。八次。不等。統計不過六七員。其自輕車都尉以下。至雲騎尉。襲次自六次至一次。不等。俱於立功之始。載在

敕書。是於論功授爵之中。即寓挨次遞減之意。則官爵之大小。自毋庸以世遞降。至從前得過世職人員。如世絕無嗣。及襲次已完。將

敕書繳部查銷。其有祖父從前未經襲過。事隔多年。其中難免影射之弊。無論有無嫡派。一概註銷。永遠不准承襲。至祖父甫經襲過。其子孫現尚



未襲者。令該地方官查明實係嫡派。造冊取具印甘各結送部查覈。題請承襲後帶領引。

見如應行承襲。而年未及歲者。將年貌先行送部存案。俟年歲合例之日。再行題請承襲。○三十一年

諭陣亡人員。為國捐軀。情殊可憫。是以從前特降諭旨。於伊等子孫承襲世職。應完之後。賞給恩騎尉世襲罔替。俾得永承祭祀。今閱八旗年終進呈世職家譜。其平定伊犁回部時陣亡人員。所得世職內註有此。次承襲後世職已完字樣。是部旗諸臣。以此等世職

事在奉旨以後。不得與從前世職一體賞給恩騎尉。但念伊等同係陣亡人員。所有應襲世職於世次應完之後。獨不能均受隆恩。朕心深為不忍。且按照世數承襲既畢。竟與尋常旗人子孫無異。則此等員缺日漸減少。於旗下臣僕永遠生計。亦未免漸形竭蹶。著加恩將平定伊犁回部時陣亡人員所得世職俱照從前陣亡人員例。一體賞給恩騎尉世襲罔替。則國家億萬斯年。伊等子孫並得永受朕恩。世守祭祀。而八旗世職員數衆多。亦得普霑廩祿。永叨利賴矣。著為例。○三十二年

諭朕恭閱

實錄內所載海澄公黃芳度闔門殉節忠蓋可嘉業經  
准襲公爵十二次以酬義烈因思綠旗世職向無承  
襲罔替之條但如黃芳度之捐軀授命大義炳然自  
應破格施恩賞延於世以昭褒忠盛典至如征勦吳  
逆時將軍張勇趙良棟王進寶平定噶爾丹時提督  
孫思克諸人並各懋建勳庸昭垂史冊其承襲世職  
亦當一體加恩予以罔替又如提督陳福於王輔臣  
之亂勤勞間寄被賊暗戕及近日勦平回部時提督  
豆斌總兵高天喜等雖不如張勇等之勳勞茂著然

均能奮勇疆場。抒丹效命。皆宜厚予恩卹。用慰忠魂。其襲次滿時。俱著照八旗之例。賞給恩騎尉。俾其子孫得資以上進。永遠承恩。世食忠貞之報。此外有似此等應行分別加以優卹者。著軍機大臣會同該部詳悉查明具奏。候朕再降諭旨。國家承平百餘年中。外一統滿洲漢人。皆我臣僕。朕亦從不肯稍分畛域。綠旗將弁中。果有蓋誠為國克奏膚功者。自應錄敘從優。恩施後裔。若其身歷戎行。而選輒恇怯。債事失機。亦必明正典刑。俾率師武臣。知所儆戒。總之示懲示勸。一惟其人功罪所自取。而無所容心曲徇於其

閒。所以昭信賞必罰之大經。皆於是乎在。將此通諭中外知之。欽此。遵。

旨具奏。按吏部進呈黃冊。及兵部歷年檔案。將漢世職各該員事蹟詳加查閱。分繕清單具奏。奉

旨。向來綠旗世職。無承襲罔替之例。第念官弁等果能宣力效忠。勳猷卓越。則國家延賞酬庸。誼無歧視。前經降旨將黃芳度張勇等特予加恩。准其子孫永遠承襲世職。並令軍機大臣會同兵部詳查國初以來。凡有功冊可稽者。分別等次。通行列名具奏。請旨。茲據覆奏內有殉節陣亡之張國彥徐勇鄭之文賈大

第鄭鈺房星趙邦試林芳康泰康海許雲游崇功羅萬倉徐宗仁李國勳劉貴才劉芳雨等十七員。又軍功較著之惠應詔梁化鳳全光英黃熙瓚李皇詔李之芳陳世凱許正蔣懋勳趙應奎潘育龍藍廷珍樊廷治大雄等十四員。覈其事蹟。或致命疆場。克昭義烈。或折衝間外。茂著勤勞。均宜錫以殊施。俾臣工共知激勸。所有張國彥等子孫。其世職有尚應承襲者。俟將來襲次滿時。著加恩各賞給恩騎尉。其現在襲次已滿者。亦著一體賞給恩騎尉。並准其世襲罔替。庶蓋臣後裔。得以長荷渥恩。副朕格外嘉績褒忠之

至意。○三十三年奏准。漢世職向例。俱係該督撫咨  
文彙題請

旨。准其承襲。速呈請發標學習。始行帶領引

見。非慎重名器之意。應令該督撫連人咨送到部。帶

領引

見。可否准其承襲。並發往何標之處。恭候

欽定。○又奏准。襲職各員。令該督撫先儘應行承襲  
之人。秉公驗看。除人材堪以錄用者。仍照例送  
部外。如應襲之嫡長子孫人材不及。即於嫡次  
子孫內揀選一人擬陪。仍照律載宗圖支派。依

次遞及母得瞻徇。僅應襲之子孫止有一人。此外並無合例者。亦令各該督撫聲明咨部。於帶領引

見時隨摺奏

聞恭候

欽定。四十年奏准。難蔭都司守備。照漢世職分發學習之例。帶領引

見其守備一項。毋庸分別營衛。俱發回本省隨營學習。定以三年為限。如果弓馬嫻熟。諳練營伍者。都司守備。送部引



見或由部選用。或發回本省題補。恭候

欽定。至衛千總。乃督理漕運之員。尤非初登仕籍之幼官。所克勝任。請毋庸議。以衛缺。所有難廢千總把總。亦俱發營學習。期滿即行在外拔補。毋庸送部。如果弓馬營伍未諳者。展限學習。庸劣無能不堪造就者。奏請休致。○四十一年

諭例載陣亡所得之世職襲替世次完後。仍賞給恩騎尉世襲罔替。此特欲陣亡之子孫常荷朕恩之至意。但陣亡之人。有親生子孫者。理應如此辦理。若原立職之人。並無子嗣。令其胞兄弟承襲者。即襲職之人。

有子與孫亦不過照例計其應襲次數襲替而已不必賞給恩騎尉世襲罔替著為令。○四十三年議准嗣後凡已成丁之難廢一經發標學習候補均照額設馬兵例支給馬糧馬乾與兵丁一體差操毋庸另行支俸其未成丁者仍遵

旨賞給馬糧一分其馬匹料草等項毋庸支給俟年及歲時發標學習添給馬糧馬乾一體差操至拔補得缺後仍住馬糧馬乾給予應得俸薪例馬等項仍令該督分別支給統入兵馬奏銷冊內造報戶部覈銷。○四十七年

諭朕恭閱

皇祖實錄所載。埽除吳逆。平定川陝事蹟。因取張勇趙良棟王進寶三人國史列傳。詳加披覽。其功績實有不可沒者。當吳逆煽亂川陝兩省。提鎮王輔臣吳之茂等。相率從賊。維時西陲告警。張勇以雲南提督調回甘肅。授為靖逆將軍。張勇躬履行間。殫心籌畫。攻取平涼。底定秦隴。其間收復洮河諸郡。及舉發偽劄。執斬來使諸事。居然有古名將風。而趙良棟之授為甯夏提督。即係張勇所薦。又王進寶亦曾隸勇麾下。兩人提兵轉戰。同心效力。趙良棟首先建議。直取成

都。王進寶戡定保甯。殲擒渠帥。其削平恢復之勳。亦不可泯。厥後張勇封侯。趙良棟王進寶僅得子爵。蓋緣兩人各懷私忿。互相攻訐。較之張勇之勤勞懋著。始終無過者。實遜然。兩人之功。究足以掩其過。今百年論定。睠念成勞。趙良棟王進寶宜量加追敘。前於乾隆三十二年。特降旨。令張勇等子孫世襲罔替。張勇本係侯爵。其元孫張承勳承襲。因曠班革去散秩大臣。在三等待衛上行走。茲特加恩。復還散秩大臣。照舊供職。進取雲南。恢復成都。趙良棟之功。為最。原封一等子。著晉封為一等伯。王進寶原封三等子。著

晉封為一等子。仍准世襲罔替。並交該督撫查明趙良棟王進寶現應襲職子孫送部引見。候朕酌量錄用。以示優眷。夫兵可百年不用。不可一日不備。國家承平日久。每溯前勳。爰思將帥。如張勇趙良棟王進寶諸人。將才武略。獨出冠時。名炳旂常。賞延苗裔。凡在戎行者。尚其益勵。趙桓。以副干城腹心之寄。○又

奉

旨。陣亡人等照例給予世職。襲次完後。仍賞給恩騎尉。世襲罔替。而傷亡人等。照陣亡人等給予世職。已屬從優。若再賞給恩騎尉。似無區別。嗣後傷亡人等。毋

庸議給恩騎尉。○又奉

旨。去年征勦撒拉爾逆回陣亡傷亡人員。皆照例給予賞銀。並無襲官之例。朕思此等人員。究竟在軍效命。因憫陣亡人等。特降諭旨。施恩交部。照伊等官職酌議。給予世襲官職。但實是陣亡人等。理應照例給予世襲官職。襲次完時。仍賞恩騎尉。世襲罔替。至傷亡人等。已經邀恩。照陣亡人等。給予世襲官職。如仍給恩騎尉。太無區別。亦不合朕憐憫旗人之至意。嗣後凡陣亡人等。該部仍照例給予官職。其傷亡人等。不必給予恩騎尉。著為例。○四十九年

諭。向來旗員效力行閒。懋著勞績。及臨陣捐軀者。其子孫俱應得世職。即年未及歲。業經承襲。尚未當差者。亦給予半俸。以資養贍。而綠營員弁陣亡。議卹之例。止予難廕一次。非奉特旨。照旗員加恩。予卹。不能得有世職。而其子孫年未及歲。亦不能予襲。蓋因綠營人員。隨征打仗。本不如旗人之奮勇出力。而綠營所得俸薪。養廉等項。較多於旗人。其軍功議敘及賞賚一切。固不能一律。亦所當然。至效命疆場。則同一扞忠死事。朕不忍稍存歧視。嗣後綠營員弁。除軍功議敘卹賞。仍照舊例辦理外。若陣亡人員。無論漢人及

旗人之用於綠營者。總應與旗人一體給予世職。即襲次已完。亦應照例酌給恩騎尉。俾賞延於世。以示朕獎勵戎行一視同仁至意。其應如何酌定章程之處。著軍機大臣會同該部詳悉妥議具奏。欽此。遵

旨議定。綠營陣亡人員。提督照參贊都統例議給騎都尉。尉兼一雲騎尉。總兵照副都統例議給騎都尉。副將以下把總經制外委以上。照參領以下及有頂戴官員以上例。俱議給雲騎尉。如報部委署人員陣亡。按其委署品級議給世職。其候補人員。即照實任官階議給世職。其有先受世爵



後陣亡者。均照旗員例。按其等差。加以應贈之秩。合為一爵。令其子孫承襲。至一等公以上。無爵可加。令其嫡子襲一等公。以別子襲其餘爵。凡陣亡人員。應襲世職。俟襲次完時。均照旗員例。一體給予恩騎尉世襲。因替。應行承襲人員。令該督撫大臣。查明年歲。如已及十八歲者。送

部引

見承襲。發標學習。准食全俸。其年未及歲者。先將宗圖冊結查覈具題請襲。

恩准承襲後。給予半俸。俟及歲時。補行送部引。

見照例辦理。○五十一年覈准。綠營陣亡人員。向例給予廕贈。自乾隆四十九年欽奉

諭旨。與旗人一體議給世職。其陣亡在四十九年以前。

業照舊例卹賞完結者。毋庸改給世職。○五十

二年

諭。本日兵部帶領武職人員引見內。承襲伯爵之趙曰泌一員。係趙良棟五世孫。現在陝甘督標學習期滿。此項世職人員。向來學習年滿後。例應發往該省或留部。皆當以副將補用。副將係武職大員。且可護理總兵。設遇徵調。即有專帶弁兵之責。今趙曰泌尚屬

年輕。未曾諳練。若遽以副將補用。於地方營伍不能整飭。儻致貽誤。轉非所以保全其祖父立功之意。伊等爵秩較大。又不便改補微末將弁。嗣後此項承襲公侯伯子男世職人員。於學習年滿帶領引見後。應令在侍衛上行走。俟三年後。著領侍衛內大臣看其才具。如果能勝武職大員。出具考語。咨送兵部帶領引見。再以副將等官補用。如才具中平。難以勝任。仍令在侍衛上行走。若能始終勤慎無過。即以散秩大臣補用。亦無不可。所有本日引見之趙曰泌一員。即照此例行。○五十七年

諭朕恭閱

實錄內載前任總督范承謨甘文焜。遇吳三桂耿精忠二逆之變。抗節捐軀。實有合於成仁取義之道。其身雖已仰邀贈卹。而其子僅廕以入監。尚不足以勵臣節而慰忠魂。前因滿漢軍功應得世職人員襲次已完者。仍賞給恩騎尉。俾其子孫永遠承襲。范承謨甘文焜子孫。亦著照此例賞給恩騎尉世襲罔替。此外尚有似此殉節諸臣。並令軍機大臣會同部旗查明原有世職罔替者。毋庸另給外。其並無世職者。均著一體賞給恩騎尉。以為蓋臣效節者勸。○又

諭勒保奏延綏鎮標候補把總廕生馮凱因在營學習  
十餘年未得補缺稟請告退該營守備駁飭不准馮  
凱即在部頒執照內書寫該鎮營規不按部例依次  
補用將部照呈繳意圖挾制請將馮凱發附近充軍  
等語馮凱因在營日久未能補缺稟請告退經守備  
批駁遂疑該營拔補不公填入部照希圖挾制固有  
應得之罪除將原摺批交該部議奏外至此等難廕  
員弁在營學習年滿後如果弓馬熟練差操勤勉自  
應秉公拔補俾得及時效用若人材弓馬平常不堪  
造就亦當令其回籍乃既不拔補又不令其回籍使

其在營守候多年。復不准其告退。殊非整飭營伍體恤微弁之遺。所有此等難廕微弁。應如何立定年限。著軍機大臣會同該部定議具奏。欽此遵

旨議准。所有世職內應用參將遊擊都司守備千總及從前難廕應用都司守備千總把總員弁。除守備以上等官。學習期滿送部引

見奉

旨留部選用者。應照舊例辦理外。其發回原省題補及經各督撫咨明堪以千把拔補各員弁。嗣後應即令各督撫以該員弁等分發到營學習之

日為始。統限五年期滿後。如果人材弓馬可觀。仍按各員弁到營先後日期。挨次題補拔用。仍隨時察覈。如有始勤終怠。前後異轍。及庸劣無能。不堪造就者。不拘年限。即行勒休回籍。其自揣才力不及。或以窘乏呈請告退者。亦無論年限。俱即准其告退。儻考拔實有屈抑不公。准令各員弁據實呈明。各該提督及督撫等嚴行究辦。如此則難廢員弁之材。技優長者。既得及時效用。而怠玩無能者。亦不致姑容壅滯。於營制益昭整肅。○五十八年

諭。向來綠營陣亡官弁。俱給予世職。俟襲次完時。給予恩騎尉。世襲罔替。原以軫卹勲勞。特加優典。至屯土官弁。遇有徵調。無不踴躍爭先。著有勞績。而臨陣捐軀者。向止給予賞卹銀兩。分別加銜。並未一體議給世職。該屯土員弁。與綠營同一效命疆場。而卹典各殊。未免稍覺向隅。嗣後屯土官弁。設遇調發。有隨征陣亡者。均著照綠營之例。按照實任職分。給予世職襲次。俟襲次完時。再給予恩騎尉。世襲罔替。至此等承襲世職人員。遇有該處屯土備弁缺出。著先儘此項人員酌量拔補。如此逾格加恩。永為定例。該屯土



官弁等益當倍加感激。盡力戎行。以副朕一視同仁  
獎勵忠蓋之意。所有此次進勦廓爾喀。應行議卹之  
陣亡屯土員弁。即照此辦理。○又覆准。嗣後難廕學  
習期滿人員。各就原發標營。按到營先後日期。  
扣足五年。挨次補用。以疏壅積而示鼓勵。○六

十年

諭。向來難廕及世職等官引見時。俱發回標營學習。但  
思此等人員。若概發督標學習。該員籍貫。有距總督  
駐紮地方遠近不同。如安徽江蘇兩省與江甯相近。  
自可仍發督標。至江西之與江甯。及浙江之與福建。

雖同一總督管轄。而地方遠隔千餘里。若發回督標。該員等前往學習當差。未免資斧維艱。嗣後難廢世職各官。除止有總督省分。及距督標相近者。仍照舊發回督標學習外。其距督標遙遠。如江西浙江陝西湖南廣西貴州省分。即著就近發往撫標學習。引見時。並著該部題奏。以示朕優加體恤至意。○嘉慶二年題准。捐職投效人員。即照實任官議給世職。○四年覆准。漢世職恩騎尉承襲時。驗看具題。俟五年期滿。再行送部引。

見照例補用。雲騎尉亦照恩騎尉之例。初次承襲免。

其送部。仍令該督撫驗看具題。於三年期滿給咨引。

見照例請

旨錄用。其騎都尉以上員數無多。官職較大。應仍照舊辦理。○又奏准。凡原封世爵。仍按

誥敕襲替外。有欽奉

特旨賞給公侯伯等爵襲次。越十五次以上者。

上諭內未奉作何承襲之處。可否世襲罔替。或按次數承襲。由部請

旨。如奉

旨賞給世襲罔替者。准其世襲罔替。著照例承襲者。按次數承襲。○又奏准立爵人員犯枉法婪贓。侵盜錢糧等罪。不准再襲。如係子孫輾轉承襲。遇犯前項重罪。除本人子孫不准承襲外。另簡立爵人次房子孫承襲。無次房支派。准立爵人兄弟伯叔子孫承襲。○五年

諭。向來綠營出師員弁。遇有臨陣捐軀者。俱交部賜卹。給予世職。其子弟承襲引見時。皆發本省督撫標下學習。以期造就成材。該員等雖皆係本省之人。但住居原籍。距省遠近不一。若相離較遠者。一經到標。即

應常川在省學習。或家有寡母及年邁祖父母在堂。不無繫戀。且家計貧窘者居多。所得俸銀。於當差之外。豈能分贍其家。伊等父兄俱經為國宣勞。歿於王事。自應曲加軫恤。俾俯仰無憂。方可專心練習。嗣後承襲各員。例應在本省督撫標下學習者。除距省城較近之員。應仍隸督撫標下學習外。其距省城較遠者。各就伊原籍附近各標營。交該鎮將等勤加訓練。每年該督撫調赴省城考驗一次。俟三年期滿。照例給咨送部引見。酌加錄用。以示朕軫念蓋臣後嗣優加體恤至意。○又奏准。漢世職人員。補放綠營。即照

八旗世職之例對品補用。以昭畫一。查定例輕車都尉係三品世職。旗員向以參遊並用。漢員輕車都尉專用參將。騎都尉又一雲騎尉。係四品世職。旗員向以都司補用。漢員則以遊擊補用。是漢員世職與旗員既屬兩歧。且騎都尉又一雲騎尉補用遊擊。與對品補用之例。未能符合。嗣後應將漢輕車都尉學習期滿引

見時。應聲明請

旨分別參將遊擊兩項補用。騎都尉又一雲騎尉。以都司補用。庶品級不致參差。而辦理益昭平允。

○六年覆准承襲各員。俟學習期滿。即遵照定例考驗保題給咨送部。如有行走懶惰。或年力衰弱。不堪造就者。照例另請承襲。僅三年期滿。應行考驗之員。遇有事故不能考驗。應奏請展限。如無故逾限。將該督撫照逾限例請

旨交部議處。○又奉

旨。臺灣勦匪案內陣亡各弁之子弟。因措費艱難。以致驗看逾限。該省距京較遠。其世職各員。家道寒微。無力進京。自係實在情形。嗣後遇有邊省學習期滿。世職人員。實在無力進京者。著加恩賞借半年俸銀。俾

資路費。以示體恤。儘借俸之後。仍有耽延逾限者。該督撫即參奏照例辦理。○又議奏。從前殉節並陣亡未得世職人員。茲據各省督撫等陸續查明各該員。實係應行承襲之子孫。取具文結先後送部。除將已有世職。以及現在無可查考者。俱一律扣除。毋致冒濫外。計自

國初平定各省。以至歷屆用兵處所。其在事人員。或臨陣捐軀。或嬰城抗節。未得仰邀世職者。開具清單。請

旨賞給恩騎尉世襲罔替。其子孫現因難廢得官者。



先行註冊。俟難廢完時。照例給襲。如子孫內本有職任。仍准其兼襲。再此次應給恩騎尉世職人員。其中文職子孫固屬不少。亦有其祖父係屬武職。而子孫未能肄習武事者。應准其作為文武生員應試。至向有例給俸銀。除分發各標營學習者。仍照例給予俸餉。其餘作為文武生員。因而中式舉人進士者。俱毋庸給予。如本係文武生員舉人進士而兼襲世職者。仍准其食俸。奉

皇考高宗純皇帝特降

諭旨。令軍機大臣會同部旗。將國初以來殉節諸臣。未經得受世職者。查明賞給恩騎尉世襲罔替。仰見

皇考崇獎蓋臣。推恩後嗣。實為異數。隆施。乾隆六十年。先經軍機大臣等。將在京八旗從前殉節諸臣。查奏一百四十餘員。補行

賞給恩騎尉世職。茲又據軍機大臣會同兵部。將數年以來。各省陸續咨到從前殉節諸臣九百九十餘員。查明開單具奏。朕詳覈諸臣事蹟。俱能抗節效忠。成仁取義。允宜賞延於世。用示褒嘉。所有單開各該員

子孫均著加恩補給恩騎尉世襲罔替。惟念該世職等承襲之後。若照例概令分發各標營學習。其中或有未能諳習弓馬操防者。轉非成全之意。所有世職人員。著加恩於凡遇承襲時。在各本籍地方具呈分別咨部。除情願入標學習當差者。仍照舊例支給俸餉外。其有願應文試者。即以本職頂戴作為文生員。願應武試者。即以本職頂戴作為武生。准其一體應試。嗣後各省凡遇應襲恩騎尉世職。均照此例辦理。餘俱著照所議行。○又奏准。綠營武職官員出征打仗。將所得功加註冊存案。如奉

恩旨交部查明議給世職者。按其官階等第。及功加  
次數。分別辦理。自提督存案功加十等。至千總  
二十四等。俱授一雲騎尉。○又奏定。凡滿漢官  
員軍功賞有世爵。其原立官承襲後。又以軍功  
賞有世爵。准以兩爵合併一爵承襲。如雲騎尉  
又得一雲

騎尉。則合為騎都尉。按  
次遞加至一等公止。如奉

特旨晉封之爵。照晉爵承襲。即將原爵註銷。如承襲  
祖父世爵人員。又因軍功賞有世爵。亦准合併  
一爵承襲。如奉

特旨晉封之爵。仍准其合併一爵承襲。如世爵缺出。

應襲之子姪弟兄原係職官。並所出之缺應襲者。有二三人之多。先准以無職親近之人承襲。若親近中並無無職之人。方准於有職人員內議令承襲。亦准其合併一爵承襲。其合併不得過子爵。並查原領。

誥敕內開載俱係世襲罔替者。其合併之爵承襲時亦填寫世襲罔替字樣。如係載明承襲次數者。其承襲時亦填寫承襲次數字樣。如一係世襲罔替。一係次數襲替者。其承襲時填寫合併因由。仍分計其應襲次數。次第覈銷。至先年已經

合併之爵。有以呈請分襲者。其應襲之子姪弟  
兄承襲時。照原係幾人之爵。仍與幾人分襲。將  
品大之官。與其親近子弟承襲。並查一人承襲  
二三人所立之爵合併者。准與二三人分襲。若  
以一人所立之爵合併者。仍不准分襲。○又奏  
定功臣授爵自雲騎尉始。至一等公止。其承襲  
次數亦自雲騎尉應承襲一次始。至一等公應  
承襲二十六次止。雲騎尉襲一次。騎都尉襲二  
次。騎都尉兼一雲騎尉襲三次。三等輕車都尉  
襲四次。二等輕車都尉襲五次。一等輕車都尉

襲六次。一等輕車都尉兼一雲騎尉襲七次。三等男襲八次。二等男襲九次。一等男襲十次。一等男兼一雲騎尉襲十一次。三等子襲十二次。二等子襲十三次。一等子襲十四次。一等子兼一雲騎尉襲十五次。三等伯襲十六次。二等伯襲十七次。一等伯襲十八次。一等伯兼一雲騎尉襲十九次。三等侯襲二十次。二等侯襲二十一次。一等侯襲二十二次。一等侯兼一雲騎尉襲二十三次。三等公襲二十四次。二等公襲二十五次。一等公襲二十六次。

其承襲次數除原立官襲職外。按次

計算。如原立官未曾襲職。○七年奏准。滿漢承  
者。其承襲官作為原立官。

襲恩騎尉人員。於未經得缺以前。呈改文武生  
員者。均一律准其呈改。○又覆准。承襲雲騎尉  
之人。如本係候選衛守備。將屆得缺。若仍照承  
襲世職之例。發標學習。扣滿五年。再行題補。轉  
致稽遲。仍准其兼襲雲騎尉世職。其未經得缺  
以前。毋庸給予世職俸祿。○八年覆准。雲騎尉  
世職。悉照恩騎尉之例。如本係文武生員。不願  
廢棄舊業。照例考試者。給予世職俸銀。其本非  
文武生員。於未經發標學習之前。呈請考試者。



止准其以雲騎尉頂戴應試。不准食俸。其由捐  
貢捐監應襲世職呈請應試者。亦不准食俸。如  
發標學習後未經期滿引

見者。亦准其一體呈改。其有應試數次仍願入標學  
習者。俟其入標學習時照例給俸。有本係恩拔  
歲副優貢生及舉人進士不願發標學習。應准  
其兼襲世職。仍由本班銓選。捐職人員承襲世  
職者。亦准其以所捐班次銓補。仍用世職頂戴。  
至世職人員。每年調赴省城考驗一次。改為三  
年。仍責令督撫大吏轉飭各鎮將等。平日勤加

訓練。每屆年終。覈實考驗一次。將該世職等技藝優劣報明督撫。以備查覈。俟三年期滿時。該督撫詳加考驗。如有才具平庸者。停其給咨送部。並將不實心訓練之鎮將指名叅處。○又奏准。世職人員素習儒業。未能諳習弓馬。准其讀書。應試已奉

恩旨載入例冊。近來督撫有因世職情願改文。專摺奏請送部引

見查此項世職人數衆多。若紛紛奏請。希冀邀恩。殊開倖進之漸。嗣後世職人員。有不嫻弓馬情願

改文。悉照奏准定例辦理。如有違例陳奏者。即將該督撫奏請交部議處。○十年奏准。滿洲蒙古漢軍承襲恩騎尉人員。如本係文武生員。承襲後情願考試者。准其照例考試。仍隨旗當差。給予世職俸餉。其本非文武生員。呈改文武生員。應各項考試者。准其呈改一體考試。不復給予世職俸餉。○又奏准。恩騎尉世職缺出。其應襲止有一人。經襲有別爵。或先經襲有恩騎尉者。准其一人兼襲。俟有應分襲之子嗣。仍准其分襲。○十二年奏准。學習恩騎尉五年期滿。如

果弓馬稍有可觀而營伍未能諳練該督撫即  
行展限飭令再學習三年照例考驗如仍不堪  
造就即勒令回籍其所遺世職另行承襲○二  
十二年奏准承襲世職令嫡長子承襲如嫡長  
子有故及患病殘廢者令嫡長孫承襲如無嫡  
長孫則令次子次孫承襲如無次子次孫方許  
庶出子孫承襲如無庶出子孫許令弟姪應承  
繼者承襲如胞弟承襲者俟生子後必繼與立  
官人為嗣再准接襲如無胞弟以堂弟承襲者  
必繼與立官人之父為嗣方准承襲生子後仍

繼與立官人為嗣。再准接襲。如以姪承襲者。先儘胞姪。如無胞姪。方許堂姪。均繼與立官人為嗣。方准承襲。如族中並無可繼之人。承襲將世職註銷。○又奏准。從前陣亡官員。補給恩騎尉。世襲罔替。如無嫡派子孫。准以過繼子孫承襲。○又奏准。千總兼襲雲騎尉。把總兼襲恩騎尉者。於期滿後。毋庸送部。○又奏准。各省承襲恩騎尉人員。有年力就衰。不能發標學習者。准其以世職頂戴榮身。毋庸給予俸銀。○又奏准。承襲世職人員。有祖父母。父母年老殘疾。家無次

丁侍養不能赴營學習者。准其告請終養。○又奏定學習三年期滿世職人員。並五年期滿恩騎尉。如弓馬稍有可觀。而營伍未能諳練。該督撫即展限飭令再學習三年。照例考驗。如期滿時經該督撫考驗行走尚勤。弓馬未熟。咨請展限一年學習。如一年限滿仍未諳練。再展限二年。如仍不堪造就。即勒令回籍。其所遺世職另行承襲。○又奏定各省承襲世職人員。如有收標在先。題准在後者。以題准之日作為收標日期。○道光十二年奏定漢世職人員籍隸奉天

者。並無緣營額缺。期滿引

見時請

旨發往直隸照例補用。○又奏定漢世職人員於職任內因公罪革職奉

旨將世職仍留本身。除督撫未經題奏自行批准留營。並咨請留營效力當差者。兵部即行飭駁。一概不准留營外。如該督撫以該員營伍熟悉。年力強壯。或緝捕勤能。著有勞績。奏請留營效力。奉

旨允准者。令該督撫以奉

旨之日起限照世職甄別之例試看三年。如果當差奮勉。出具切實考語。咨部帶領引。

見或以原官補用。或降等補用。於摺內聲明請旨。恭候。

欽定。○十六年

諭嗣後承襲一二三等輕車都尉及騎都尉世職。比照雲騎尉恩騎尉之例。准其以文武生員兼襲。應試支食世職俸銀。該部仍於帶領引見時。將應否兼襲之處。聲明請旨。其捐貢捐監人員。概不准其兼襲。亦不准以本非文武生員。將輕車都尉騎都尉世職。改作



生員應試以示限制。○十八年奉

旨。嗣後遇有把總外委兼襲雲騎尉者。著照七品以下  
文職兼襲之例。具題請旨。○咸豐九年議准。嗣後殉  
難各員。議給世職。如原籍地方失陷。尚未收復。  
准其取具同鄉實任京官印結在部呈明。及殉  
難地方取具地方官文結到部。均准一律辦理。  
俟原籍地方收復。仍行咨查。儻有假冒蒙混等  
弊。本員治罪。出結官失察者。降一級留任。不准  
抵銷。知情者。降一級調用。照私罪科斷。若僅有  
軍務省分。仍遵定例題請。難廢一項。亦比照覈

辦。○同治元年

諭嗣後陣亡殉難各員子孫承襲世職例由原籍縣府轉申督撫驗看具題並應給咨赴部引見者均著兵部詳查行文各該督撫轉飭各該州縣將應襲職名迅速查取徑行具報督撫毋庸由府司轉詳以免煩擾並由部議定發照限期章程速行發給執照應引見者即速行調取其有原籍被兵無可取結者即由京取具同鄉官印結就近在部呈辦並著兵部於每屆年終時將遺漏及續經賞卹之人彙案查辦如有部員州縣並內外衙門書吏延閣不辦者即由該管

上司並該管各官查明分別叅辦治罪。○二年奏准各省襲職順天府仍照舊具題其外省彙奏之案查其冊結宗圖已到人員各按襲職發標三  
月彙奏一次內有應行引

見恭候

欽定人員行令速即給咨其冊結未到並應行查詢各處者俟聲覆到部附入下次辦理各督撫彙案奏請即將冊結宗圖彙總咨部不得參差不齊。○三年覆准各省應襲世職每屆年終行文各督撫將已經議卹尚未報襲之員分析報部

以憑稽覈督催。至各省賜卹之案。各該督撫應仍遵前

旨以半年為限。取具宗圖冊結報部。分別已未及歲辦理。○六年奏准。嗣後請襲世職。由服官省分督撫暨寄籍地方官。造具宗圖冊結。及軍務省分在部取具實任同鄉京官印結各員。一面查覈奏准。一面行查原籍督撫。是否屬實。統由該督撫切實查明。聲覆到部。再准食俸收標。如有不實。即將該世職撤銷。出結各官咨送吏部議處。○八年奏准。承襲雲騎尉發標後。得有文職保

舉呈明不諳弓馬情願改以文職兼襲註銷發  
標者經該督撫奏明由兵部請

旨准其兼襲。○又奏准凡由寄籍請襲各世職嗣由  
原籍地方加結詳請就近投標者准其註銷寄  
籍省分仍回祖籍投標。○又議准現任候補候  
選職官及廕監兼襲雲騎尉恩騎尉世職一律  
給予全俸。○十二年奏准世襲罔替各爵職出  
缺無論有無親生子孫但准承襲即准世襲罔  
替其有次數之世職出缺如無親生子孫襲次  
完時不准請襲恩騎尉。○光緒二年奏准凡由

廩增附生捐貢捐監兼襲各世職均照生員兼襲一律給俸。至由俊秀捐貢捐監請兼襲雲騎尉恩騎尉者仍不給俸。○又奏准廩增附生捐貢捐監兼襲輕車都尉騎都尉一體應試支俸仍於帶領引

見時將應否准其兼襲之處恭候

欽定。○七年奏准嗣後雲騎尉恩騎尉世職本由文生員兼襲者准其一體應試其由俊秀承襲者無論是否學習期滿概不准其應試如有未諳弓馬願應文試者止准其以本職頂戴作為文

生員鄉試不准歧考童試如違例童試禮部即將所進文生註銷。○八年奏准發回本省學習世爵有願改水師者由該督撫奏明俟奉到部覆給咨送部引

見恭候

欽定。○十三年奏准承襲世職不必拘以年限其請襲之員責成地方官認真查察如確係應襲之人再取具族鄰甘結詳細支派宗圖及故員出身履歷清冊加具印結送部查覈倘有不實除襲案隨時撤銷假冒之人從嚴懲辦外仍將出

結不實之地方官議處。○又奏定順天府屬大興宛平兩縣請襲世職。無論聲敘本籍寄籍。統令出具同鄉京官印結。隨地方官印結送部。其請襲之人。是否原立官子孫弟姪。有無假冒。即行查出結之同鄉官。俟確切聲覆。再行覈辦具題。如准襲後查有重複。或被人告發。襲案隨時撤銷。冒襲之人。咨行順天府解交刑部治罪。其知情濫行出結之同鄉京官。開寫職名。咨送吏部議處。兵部郎中以下等官。不得出結。○十四年奏定文職兼襲世職除奉



特旨兼任外。凡二品以上官。准兼襲公侯伯爵。三四品官。准兼襲子男爵。五六品官。准兼襲輕車都尉。七品官。准兼襲騎都尉。品級均按實職計算。其由進士拔貢錄用散館授職大考改用。

特旨賞給各官。雖未及五六七品。亦准其兼襲輕車都尉騎都尉。該督撫造具宗圖冊結。咨送到部。兵部查係合例應襲之人。帶領引

見請

旨准其兼襲。其有三四品官請兼襲公侯伯爵。五六品官請兼襲子男爵。七品官請兼襲輕車都尉。

八品官請兼襲騎都尉。如實係該員不諳弓馬。經原籍督撫驗看咨明者引。

見時將可否准其兼襲之處。恭候。

欽定。若品級既未相當。未經原籍督撫聲敘不諳弓

馬引。

見時或准其承襲。發回本省學習。或准以原官兼襲。恭候。

欽定。其世職品級與原官大相懸殊者。無論是否聲敘不諳弓馬。均照無職人員帶領引。

見將可否准其承襲發回本省學習之處。恭候。

欽定。○又奏定各項世職。如由寄籍省分請襲原籍查覈相符者。准在寄籍地方收標。至由服官省分請襲。俟原籍查覆後。應令仍歸原籍投標。不准在服官省分通融收標。○又奏定滿漢武職大員。或曾經立功。或積勞病故。或打仗陣亡。其子孫欽奉。

特旨交部帶領引

見者。如奉

旨之先。得有別項官職。兵部帶領引

見時。仍於履歷及隨摺內聲明請

旨錄用。如在奉

旨之後。除因中式科目榜下錄用不計外。其餘無論所得何項官職。赴部時即行查銷。以杜取巧。至此項人員赴部。如有名字與原案不符。經該督撫聲稱原案繕寫錯誤更正者。如該員別有官職。無論所得之官。在奉

旨先後均行查銷。其難廢六品頂戴應行引見錄用人員。亦一律辦理。

欽定大清會典事例卷五百八十五

兵部

恩錫

廢敘

飾終

廢敘。○順治年閒定。凡遇

恩詔錫廢。領侍衛內大臣內大臣都統民公侯伯子男前鋒護軍步軍各統領副都統鑾儀使散秩大臣外省將軍都統副都統提督總兵副將各廢一子入監讀書。其廢監生未仕而歿或病廢者。准其補廢。補廢之後又歿及病廢者。不准再補。○十八年議准。凡應廢各官不在現任者。不

准予廕。○康熙三年議准。凡廕子入監。必以嫡長子。如無嫡長子。或有而病廢。及有別項職事。則廕嫡長孫。無嫡長孫。則廕次子。次孫。無次子。次孫。則廕期親兄弟。及期親兄弟之子孫。無親兄弟。及親兄弟子孫。則遞及於功服總麻兄弟。及功服總麻兄弟之子孫。均按其倫序。以次承廕。該管官取具承襲之人年貌姓名文冊。及親供印結。送部題廕。得。

旨後給以執照。○六年議准。各官不論品級暨宮保等銜。均照實俸廕子。○十年題准。承廕子孫所

生在

詔前者准廢。在後及族派疏遠者不准。若本官曾遇恩詔。已送子入監讀書。後經升任。又遇

恩詔欲改廢者。未仕監生。准其改廢。其先得之恩。監准其別送一子入監讀書。至本官先遇

恩詔廢子。後緣事革職。其所廢之子。未仕停止。已仕者不停止。本身尚有微職及世爵者。所得廢生亦不停止。廢監生於承襲之後。別授他職。及中科目者。不准補廢。○又題准。文職雖革。尚存武職者。仍留廢。○又題准。八旗廢監。必開明履歷。

送部查覈。有因叛逆牽連革職及永不敘用者。皆不准廕。○十二年題准。原品解任食俸者准廕。○雍正元年議准。廕監生十五歲以上者。送國子監讀書。二十歲以上者。咨送吏部分部學習。有願在武職行走者。照所得廕生品級隨旗行走。外省各官廕生監生。有願在家讀書者。該衙門奏明。仍報部註冊。○又覆准。武官將不應廕監之人。送為廕監。或廕監已經襲爵。復行補送廕監。或將年歲未滿廕監生。捏稱年滿。咨送者。皆罰俸一年。該管佐領驍騎校。各六月。參領



副參領各三月。都統副都統各兩月。○二年議  
准八旗游牧察哈爾應得廕監生一例。准廕有  
願在武職者。即照品級食俸。○三年覆准各官  
所得廕生。除通習文理者仍照例以文職補授  
外。其有幼熟武藝人材壯健情願改授武職者。  
准其呈改。○乾隆三年議准。難廕監生不便准  
其在本籍與外委千把一體拔補。如果才具優  
嫻。曉習行伍。著有勞績者。令該督撫出具考語。  
送部考驗弓馬。照例分發鄰近省分。遇經制把  
總缺出拔補。○四年奏准。補廕監生亦照承廕

例准以

詔前所生子孫題廢。又

詔後革職官復還原職者。仍准還廢。其別授他職者。不論品級。均准還廢。凡原廢人別無事故者。仍給原廢人。如殘廢病故。或別經出仕中式。准將詔前所生子孫題請承廢。○又奏准補廢還廢。均題明准給。○又奏准嗣後滿漢文武各官。如有出征立功。未經議敘身故者。該統兵大臣將該員立功大小。分別等第造冊送部。查係一等二等軍功。給予七品監生。如係三等四等軍功。給予

八品監生。各於伊等子弟內充補。其錄用之處。如係旗人。七品八品監生。准其隨旗行走。照依原定品級食俸。遇有應升缺出。仍照例揀選。如係漢人。令該督撫考驗。七品監生。遇有把總缺出。准其揀選拔補。八品監生。遇有外委把總缺出。准其揀選拔補。其有情願應試者。仍聽其應試。如有五品軍功。給予無品級之閒散監生。於伊等子弟內充補。照捐納監生例。准其應試。不准食俸。○五年議准。奉天黑龍江甯古塔及游牧察哈爾廕生情願來京者。令其隨旗行走。不

願來京者。准在本處行走。仍令該管官管轄。各省駐防。廕生不得援以為例。又具奏。嗣後提鎮廕生。不遵定例。自行奏請改武。並已經以文職補用之廕生。復又奏請改武。以及提鎮之子弟。或有職銜。或無職銜。自行奏討差使者。除所奏俱各不准外。均照妄行瀆奏例議處。奉

旨依議。近來提鎮因伊等所得廕生。一時不能驟用。以情願改武。及討差效力。倖恩瀆奏者。往往有之。爾部所奏固是。但承平之時。武職尤宜培植。明末文官視武官如奴隸。一旦有事。何能得其疆場效命乎。故我

朝加恩武臣者獨厚。然並未久假兵權。聽其跋扈。此蓋處置得宜。故得其力。如伊等子孫內或有難廢。及曾效力行間。著有勞績。而門戶式微。又別無居官之人。若一併禁止奏請。亦非鼓勵戎行之意。嗣後有似此者。仍准其聲明情節。據實具奏。儻有並無情節。濫奏倖恩者。即如爾部所奏議處。○七年議准。八旗廢監。不能以次承襲者。聲明情由。准其選子承襲。○

覈明承繼之子孫承繼日月在

詔前者。准予題廢。在

詔後者不准。○十六年奏准。嗣後各省遇有學習期

滿之廢生。如有無缺。可以題補者。令各該督撫  
出具考語具題。送部引。

見歸班選用。○三十四年

諭。大臣子孫予廢。為國家推恩令典。亦所以酬獎勤勞。  
渥澤所加。自宜覈實。乃向來議廢。止論品秩之崇卑。  
不復詳加區別。定例原未允協。文武大臣一品中如  
大學士尚書都統總督等官。二品中如侍郎巡撫副  
都統等官。皆分職任事。為國宣力之員。循例予以廢  
生。固屬分所應得。即世爵內之公侯伯等。其祖父勳  
庸懋著。錫慶承家。襲爵既尊。敘廢自難從減。並照一

品予廕亦與延賞之義相符。若子爵男爵之一品二品。或先世功績稍差。或襲次久而遞減。伊等得列崇階。已為厚幸。且其平日並無職任微勞。僅以朝朝上班。或該旗應差。而竟與內外大臣等及公侯伯爵一體授廕。殊非所以重官聯昭風勸也。朕恭閱雍正二年

皇考上諭。將世職一品二品俱照三品給予廕生。誠慎重名器之至意。因交吏兵二部詳查頻年所辦敘廕之案。仍沿舊例而奉

旨以後。並未將此等世職分別給廕。此皆舊日部臣存

官官相護之見。蒙混濫賞。干譽所致。第以事越多年。姑免深究。嗣後子爵子廕。著照三品例議給。男爵子廕。照四品例議給。其如何分別授以文武官資。及情願改用旗員。應授何官之處。著吏兵二部詳悉妥議具奏。欽此。遵

旨。議定。子爵子廕。照三品例。男爵子廕。照四品例。滿洲子爵。三品廕生。改補旗員。作為七品廕監生。男爵。四品廕生。改補旗員。作為八品廕監生。令其隨旗行走。如果行走好者。遇有應升缺出。與應用人員。一體揀選補放。漢子爵。三品廕生。改武



者以千總分別營衛用。男爵四品廕生改武者以把總用。○五十一年奏准嗣後出征立功軍營病故人員無論旗員綠營曾經議敘及未經議敘者如未奉

特旨加恩均令兵部查覈該領兵大臣原保等第給廕之例相符即一體照例給予廕監旗人以各營之委護軍校或藍翎長改用漢人以把總外委拔補其有情願應試及隨營食糧者聽其呈明照例辦理。○嘉慶元年題准恭奉

恩詔內開文官在京四品以上在外三品以上武官在

京在外二品以上各照現任品級。廢一子入監讀書。  
欽此。查本年恭逢

盛典。將一品之領侍衛內大臣。從一品之內大臣。都統。  
將軍提督。給予一品廢生。正二品之前鋒統領。  
護軍統領。副都統。鑾儀使。總兵。從二品之散秩。  
大臣副將。俱給予二品廢生。其原品解任食俸  
者。均照例分別品級。各廢一子。由部移行各該  
省督撫提鎮。查明造冊。送部覈辦。世職民公侯  
伯。應照一品給廢。其正一品之一二三等子。正  
二品之一二三等男。均照改廢品級。予廢。除患

病殘廢並曾經緣事永不敘用者不准承廕外。其餘或舍子孫而廕弟姪或舍近支而及稍疏皆為擇賢均惠起見惟其材堪造就者送部承廕毋得濫行開送。至民公侯伯子男年未及歲之世職得支半俸已屬優渥若再一體予廕未免倖邀應停其給廕。○五年奏准各省駐防廕生年已及歲情願來京在武職上行走者照伊所得品級隨旗行走如有不願來京者准其照盛京等處駐防廕生之例各在本處當差。○又奏准革職一二品大員於陣亡後欽奉

諭旨。照有職人員之例。賞給世職。

曠典酬庸。已足以慰忠魂。而昭體恤。若再照贍有微職之例。給還廕生。未免過優。嗣後本身贍有微職者。仍照舊例。給廕外。其革職大臣原任內。並無微末職銜。續經陣亡。奉

諭。兵部奏原任雲南提督本進忠之嫡長孫本治。呈懇旨。議給世職者。俱毋庸給還廕生。以昭限制。○六年。前赴四川軍營。請賞六品頂戴等因。一摺。所奏非是。本進忠前於平定回部時。著有勞績。擢為提督。嗣因在騰越軍營病故。蒙

皇考俯念前勞。加贈宮銜。賞給銀兩。並令將伊子俟服闋送部引見。本福盛服闋後。令其在巡捕營學習行走。已屬

恩施稠疊。無可復加。本進忠係在軍營病故。並非陣亡人員。其子本福盛亦非難痊。該部率行比照難痊人員未仕而故者補廕之例。請將本治賞給六品頂戴。前赴軍營。殊屬牽引附會。除本治不准補廕。亦不必令伊赴四川軍營外。所有辦理錯誤之兵部堂官。著交部察議。主稿之司官。著交部議處。○八年奏准。官

員恭遇

恩詔廢子後。本身緣事革職。其本案開復者。即微末職銜。亦准還廢。若由另案起用之員。品秩尚小。於原官。其應廢之人。咨部註冊。不准引。

見俟將來升擢與原官相當。及在原官以上。方准還廢。○二十二年奏准武職恭遇。

恩詔賜廢提督鑾儀衛鑾儀使總兵等官。各准廢一子入監讀書。副將准送一子入監讀書。○又奏准八旗應得卹廢綠營都司守備千總把總等官。兵部帶領引。

見奉

旨以內用者。仍照例以旗員對品補用。奉

旨以外用者。發交巡捕營學習三年。期滿該管大臣  
詳加考驗。分別等第。如人材弓馬堪列一等者。  
留於巡捕營。遇有相當缺出。扣滿五年。准其題  
補拔補。列為二等者。咨送兵部。發交直隸總督  
再扣二年。遇有相當之缺。題補拔補。俱按該員  
弁到營先後日期。挨次補用。列為三等者。由該  
管大臣帶領引

見恭候

欽定。以上學習人員。各給予馬甲錢糧一分。以資差

操如發標學習後。有始勤終怠。不堪造就者。即行勒休。其自揣才力不及。或以窘乏呈請告退者。俱准其告退。儻考拔不公。准其呈明該總督。嚴行究辦。○又奏准。難廕衛千總承襲後。年已及歲。該督撫發交就近標營學習。給予馬糧。馬乾。與兵丁一體差操。學習期滿。在外拔補營缺。毋庸送部選補衛缺。○又奏定。軍營病故官員。議給難廕監生。其承廕次序。悉按照

恩廕之例辦理。○道光十三年。議准。滿漢廕生。若未

經引



見人員有願報捐者。准各按本員應廢官職指項報捐。如非本項應得之官。仍先由本職應廢官職報捐後。再行遞捐改捐。並各歸應用捐班銓選。其有呈改武職者。照文職之例。准其報捐。仍不准再捐文職。其已經引

見奉

旨指項補用人員。有願報捐者。亦各按本職候補候選人員報捐例。准其遞捐改捐。○同治二年

諭。向來滿漢大員子孫。例准予廢。乃朝廷錫類推恩之曠典。該大臣自應及時呈請承廢。以昭慎重。豈容日

久稽延。嗣後給廢之典。如何明定期限。以昭畫一之處。並著吏兵二部。妥議章程。會同奏明辦理。其逾限始行呈請者。即著毋庸置議。欽此。遵

旨議定。武職請廢。定以三年為限。逾限者。即毋庸置議。凡有軍務省分。統兵各員。均准其展限一年。其並非軍營人員。仍以三年為限。○三年覆准。革職人員承廢。由兵部查覈具奏。請

旨。可否准其承廢。恭候

欽定。○光緒元年

諭。吳棠奏提督胡中和應得廢生。懇請照例子廢等

語調任雲南提督胡中和。連年督軍攻勸滇髮各  
逆。勞績素著。該提督應得廕生。著該部照例補給。

○又奏准未奉

恩詔之先。奏請開缺人員。因新任未到。尚未交卸。仍  
照例食俸者。毋庸給廕。○二年奏准。請廕之人  
尚未覈准具題。如本身因案降調。仍准其子廕。  
○五年題准。廕生係屬正途。有更名者。准其更  
名。○又奏准。凡經部題准廕生。如祖父因年老  
勒休。俱毋庸停廕。

飾終。○順治年間。定內大臣將軍都統前鋒護

軍各統領副都統散秩大臣並休致一二品官。  
病故具有遺本奉

旨交部察例具奏者。移咨禮部議卹。無遺本者據咨  
轉行。○九年議准。提鎮任滿三年。勤勞死事者。  
均准加贈一級。請

旨定奪。其未經任滿及休致或病故者。不准加贈。移  
咨禮部議給祭葬。○康熙三年議准。提鎮病故。  
未經奉

旨察例具奏者。其加贈祭葬。均毋庸議。如奉

旨交部議奏者。由部覈明該提鎮任滿三年有無降

罰之案。逐一敘明。應否加贈。題請。

欽定。副將充提督總兵官。贈署都督僉事。署都督僉事充提督總兵官。贈都督僉事。都督僉事充提督總兵官。贈署都督同知。署都督同知充提督總兵官。贈都督同知。都督同知充提督總兵官。贈右都督。右都督充提督總兵官。贈左都督。○  
雍正二年題准。左都督充提督總兵官者。無可加贈。嗣後如有

特交部議卹者。由部將應否加贈宮保之處。恭請欽定。○乾隆十四年奏准。嗣後殺賊陣亡之提督以

下。守備以上。悉照原官加贈。若有銜大於缺者。仍照銜加贈。至陣亡千把總。雖向無加贈之例。第官有崇卑。殉難則一。守備以上。既得加贈。而千把總。因未授銜。不得一體加贈。未免不均。嗣後殉難陣亡之千把總。俱照守備例加贈。以昭曠典。○十八年議准。凡武職加銜。均行停止。其故官應得加贈。並准其加一級。○三十六年奉

旨。禮部奏向來一二品大臣身後未具遺本。及該處未經具奏者。禮部將應否賜卹之處。奏聞請旨。嗣後請將奉旨予卹者。照例具題。其餘概毋庸置議等語。大

臣身後議卹。乃國家飾終令典。未便概行停止。嗣後一品文武大臣身故。除已經特旨予卹外。著吏兵二部及各該旗隨時咨報。該部將應否議卹之處。專摺具奏。候朕酌量加恩。其二品大臣。著照部議。毋庸奏請。○嘉慶五年

諭朕恭閱

皇考高宗純皇帝實錄。乾隆三年八月欽奉

諭旨。賢良大臣之子孫。已登仕籍者固多。其中或有不。能自振。漸就零落之人。亦屬可憫。除現在入祠大臣之子孫。有文官七品以上。武官五品以上。已經錄用。

毋庸查奏外。如子孫並無仕宦。或有品級而甚屬卑微者。著該部行文各旗都統及直省督撫。查條嫡裔。擇其品行才質可以造就者。給咨送部帶領引見。酌量加恩。仰見

皇考獎勵前勞。有加無已。欽惟

皇祖建立賢良祠。實為千古曠典。

皇考復念其後裔。恩意有加。迄今已閱六十餘年。朕欽

誦

聖謨。緬懷篤棊。凡宣勞佐治之大臣。曾入賢良祠者。其子孫或未登仕籍。或品級卑微。著該部行查八旗都



統及各該督撫等。遵照舊例詳悉查明送部引見。以  
示朕念舊加恩至意。